

咸淳臨安志

三十五

咸淳臨安志

咸淳臨安志卷之八十四



寺觀十

寺院

於潛縣

寂照寺

在縣南二里豐國鄉舊名吳興大中五年改今名

隆興初邑令葉衡重建中書舍人張孝祥書額寺

舊有綠軒後徙懸齋寶慶初避御名改

為此君軒

題詠東坡綠均軒詩可使食無肉不可居無竹無肉令人瘦無竹令人俗人瘦尚可肥俗士不可

可醫傍人笑此言似高還似癡若對此君仍大嚼世間那有揚州鶴

明智寺西菩山

在縣西十八里波亭鄉初山之西有光亘天現菩

薩像僧道志立茆廬其下元祐間因建佛殿遂

名西菩寺治平二年改今額熙寧七年八月

蘇文忠公同毛君寶方君武訪參寥辯才遂遊西

菩山留題建炎間重修秦少游之子湛為記有

清涼池明月池雙峯堂滌軒覽秀軒西資閣見山

亭

記文秦湛作寺記其略云於潛之西菩有光屬天見菩薩像是時僧道志茅廬其下遂聚邑人

之錢而廟佛焉號西菩寺實唐天祐中從也本朝
改曰明智今謂其山猶曰西菩辯才既從此山行
道吳越山中徒思踵其武陽躍精進云云明智
以有道者之故棲學帶者望之如仲尼之徒於闕
里其氣象景物又蓋境內自於潛十有三里至山
之麓未及之五里上松旁澗與道委蛇仰可以蔭
俯可以監循環曲折乃得平直兩峯屹然如立長
人如護居迎來五老此寺已數百年是以居者忘
址盛暑常寒筒引錯落遍於百室是土殞木壞風
遊者忘歸云云自有此寺已數百年是以居者忘
雨之富與力者相率施儀不成雙峯既歸未嘗有求
邑人與辯才善余兒時先二人對辯才語必令旁侍
其高世之論至今能記一二而辯才物故前先生
十年前今龍井天竺間雲容山色或誨人愁其能念
前如故聞雙峯之名久矣杜門錫山之下一旦蒼
何告余曰門有道人吳語而文亟出見之乃常樂
性禪師也謂明智重葺欲余為記且曰先太史常
為辯才記龍井今記明智非子可乎余不敢辭雖
然雞鳳異調大方
之家豈不我笑

二十九 辰洋居年二公未八二四

題詠 東坡詩推擠不去已三年魚鳥依然笑我頑
節衣冠後處士風流水石間一笑相逢那易得數
詩狂語不須刪 路轉山腰未足移水清石瘦便
能竒白雲自占東西嶺明月誰分上下池黑黍黃
梁初熟後朱柑綠橘半甜時人生此樂須天賦莫
遣兒曹取次知 王中丞樂道詩云邃壑重巒十
里過天圍佛境隱岩阿儻來功業忘情久暫到山
林結意多 李祕書公美詩云西峯直起翠屏開
西院流泉湧碧臺不在徑山天目後使人去了又

治平寺

在縣北十里嘉德鄉舊名天目乾寧元年建 治
平二年改今額

記文

山程北山俱作重建佛殿記餘杭之鎮曰天目

廢大嘗為邑里信人之所依向皇朝且數百年

然嘗為邑里信人之所依向皇朝且數百年

治平世以夏臘主寺事其徒往往游楞叩義學師

指授演說修多羅教或從善知識傳佛心宗自顯

南禪師以來代不絕人宣和庚子盜發新定陷

於潛寺焚有邑豪襁負其母避地走山谷過其門

望遺址默自誓曰使賊平家脫禍當復新此殿云

及賊平其家小大數十人汔無恙明年建大佛殿

為佛菩薩大弟子護法天神像壯麗輝絢莊嚴殊特

悉加於舊焉吾鄉鎮江天寧禪鑒長老道潛實受

業治平寺蓋所謂從善知識傳佛心宗者之一也

數為余道治平事且求文以記本末于今三年矣

而請愈堅吾聞至人開士依真而住非可以國土

觀一相無相非可以聲色求不即不離非可以方

處攝也又況棟宇之奉象寓之設哉然於無為中

示現有為於不住中宣說常住其悲智願力所以

開度有情者不廢也故昔釋迦文佛於欲色界中

大集群品說法之餘以四天下二十支提若須彌

七十六 辰洋臨安志卷八十四

三

不

山頂開華藏殿若震旦漢國那羅耶那以如是等

牟尼聖人往昔住處付屬諸龍又以閻浮提中四

方國土若若遮波羅賢聖天人修行住處付屬星

以如是等諸佛羅漢等分守護然則名山佛刹

宿天龍藥義大鬼神等分布守護然則名山佛刹

所以建立扶持者幽明之際必有尸之者矣茲豈

偶然也哉方是一念使與灰燼散滅及其復也山而

惡念人能以一念使與灰燼散滅及其復也山而

心者亦以一念能一使荒穢瓦礫之區化為梵釋之

宮師子之座甚矣一之不可思議也方為梵釋之

作雖有神智莫得而聞見搏執也然無形而成不

疾而速雖無邊如虛空密用如造化堅固如金剛

迅速如毗嵐不若烈也一念為善念念續之難

唯成一身仁九族而已而濟天下澤百世無難

也至於得果成道高可以超三界下可以生梵天

為四果為二乘為菩提墀為佛世尊極其原初

出於一念之微而其所以利益成就至於不可勝

者一為不善念念續之利益成就至於不可勝

流血數百千里人畜草木為空一旦敗禍父母妻

子相隨就砧几剝割膾醢肉餒鴟鴞狗鼠死入地

獄受無量苦經千萬億劫。迺為畜生。出入炮烙。割之間。或為餓鬼。飢火所燒。支節竅戶。猛焰熾然。又千萬億劫。極其原。亦出於一念之微。而流毒之大。受報之酷。亦至於不可勝言者。前日之群盜。是也。使橫目之民。惟善是念。如火傳薪。如水趣下。而善不可勝用矣。一家為善。則一家安。一鄉為善。則一鄉化。推而準之天下。則鬪很凌暴之風。凶荒疢癘之應。何從而哉。是則安樂之土。已矣。余因潛之請也。以是告於方來。使知一念之微。不可不緝。其不可思議。力可使利益及於無邊。成就至於佛地。而塗之人。皆可以勉也。營事僧曰。可先義交道。願住持僧曰。希表邑豪曰。徐彥通。佛殿費蓋無慮二萬緡云。

常樂教寺

在縣南五十里長安鄉舊名樂平建興二年佛圖

澄建 治平二年改今額 元豐間僧保元重建

寺有圖澄井圖澄閣

廣福院

在縣南二里舊云在縣南五十里朱梁太師吳敬忠捨地舊

名國泰天福二年建 熙寧中改壽聖 紹興三

十二年避

高宗皇帝殿名改今額舊有放生池有般若莊後因洪水衝蕩遂為寂照寺子院

崇壽院

在縣西二里岑嶠山舊名興福 紹興元年改今

額有曠軒雙溪疊嶂跨虛亭 開禧三年令王日

益始刊錫額之勅于石

記文 令王日益跋 勅額云浮溪之濬有山曰岸

椒有精廬縹緲雲木之表負陽崖結屋以凌空闊

而納沆瀣是為曠軒轉而西則為雙溪疊嶂暇日

領客登眺溪橋橫卧野木旁拱倒景流光下上相

屬前峯後巘之奔伏遠洲近湫之分合霽日陰雲

朝霞暮煙之開歛吞吐莫不盡於几席之上窮天

地之奇變遺氛埃之溷濁長嘯激烈谷應水湧因

訪主僧宗照以山中勝事纏纏可聽至立刹之顛

末則曰知其為崇壽而已他無攷焉潛號山水邦

而岸崑為最管領勝槩是刹居多固宜宏扁詳紀

以聳秀偉傑特之觀顧闕不著得非時移事改漫

漻而失其傳歟抑遊者徒耳目之玩隱者惟仁智

之樂而不暇及歟退而求諸故府得 天聖錫額

之勅始以是山具飛來之體而微故因驚峯之廢

而起之端拜肅觀榮光晃蕩遺珠獲於赤水藏簡

出於魯壁駭愕疑喜恐得之夢寐而不敢自必其

真刊諸琬琰日星絢爛蓋欲侈熙朝之賜補曠世

之闕而發山川之靈以慰鳧鷖麋鹿之思也夫天

地之於景物往往珍其勝而嗇其全故名山佳刹

接待普寧院

在縣西二里岸崑山下 慶元三年令趙彥俊建

嘉泰三年令晁百談祠昭應靈惠二龍君遷錢氏

時古佛像 嘉定十六年移請今額

記文 戴燧記遷釋迦像云後二百七十五年當

六十八

小五卷二

五

六

於是清豐晁百談宰邑政成適浮橋接待院開山
沙門宗浩新作朝陽閣乃命加雅飾而遷焉肖形
甚古觀者起敬鄭峯戴燧從旁歎曰吾佛以寂滅
為樂諸有皆空有相無相若不足計然二百七十
五年之間世代人物之變何可勝道像廢復興非
偶然者昔東坡居士與參寥道人徜徉西菩羣山
中其徒至今以為重而名永長存今接待古佛又
托侯以不朽山高水長我侯盛名將與佛法俱無
盡矣因喜而書之

資聖院

在縣東十三里豐國鄉舊名資福光

御舊名

三年建

治平二年改今額有觀音像祈禱必應

布金院

在縣東二十里豐國鄉舊名朱金乾寧三年建

下五九

廣澤昭安卷之四

丁

不

治平二年改今額

廣覺禪院

在縣東二十五里豐國鄉舊名落雲相傳俱眠道

者落雲于此後清泰三年建 治平二年改今額

三學院

在縣南十五里潛川鄉舊名三白光

御舊名

三年建

治平二年改今額

梵興院

在縣南二十里潛川鄉舊名國興天福七年建

治平二年改今額

崇法院

在縣西南三十里潛川鄉舊名崇福 乾德五年
建 治平二年改今額

悟真院

在縣南三十里潛川鄉舊名白龍 建隆二年建
治平二年改今額

福興禪院

在縣南五十里潛川鄉馬頭山舊名慈雲天福七
年建 治平二年改今額

廣慈院

在縣北四十里惟新鄉天成二年有高僧建于滴
翠峯下梵行精進誦蓮經有功行止有烏隨之僧
入滅烏亦隨化故舊名烏息 治平二年改今額
有隱山堂

淨勝教院

在縣南六十里長安鄉舊名靖山清泰二年建
治平二年改今額

西明空院

在縣西三十五里波亭鄉舊名朱山大中五年建
治平二年改今額

妙樂院

在縣北十里惟新鄉舊名安樂天福五年建 治平二年改今額山有浮石

開化院

在縣北三十里惟新鄉眉山絕頂之上

徽宗皇帝朝崇政殿說書豫章陳安節隱居于此紹興十八年陳與僧福瑛同立精藍初名澄鑒二十五年賜今額有陳公讀書堂基

普明院

在縣北三十里嘉德鄉舊名普照乾化三年建

治平二年改今額

北明空院

在縣北二十五里嘉德鄉舊名興平文德五年建大中祥符二年改今額佛燈禪師曇印以說法被遇

理宗皇帝御書松巖及方丈四大字又 御製頂相贊以賜 嘉熙間建閣安奉寺屢燬 咸淳二
年僧祖華重創法堂自是佛殿鐘樓皆次第興建

云

題詠

洪平齋題松軒詩蒼官面目冷於冰傾蓋真成耐久朋隨世炎涼渠自爾與時榮悴我何

曾聲傳茶鼎風鳴籟影過熏爐月抹楞
束絹欲煩三昧手箇中着箇覓詩僧

寶福院

在縣北四十里嘉德鄉光御舊名二年頭陀朱道崇開

山故舊名朱陀 皇祐元年賜今額

理宗皇帝賜名褒忠為洪端明府香火院

淨嚴寺 以下係尼寺

在縣城北舊名寶成天福五年建 治平二年改

今額

明智寺

在縣西南二里惟新鄉舊名保安大中五年建

丁巳二

底洋臨安卷八二四

九

句

治平二年改今額

法會院

在縣南二里豐國鄉舊名龍華天福七年建 治

平二年改今額

崇仁院

在縣東三十里豐國鄉舊名雲峯大順元年建

治平二年改今額

靖林院

在縣南十里潛川鄉舊名扶西乾符二年建 治

平二年改今額

清修院

在縣南二十五里潛川鄉舊名報國顯德六年建

治平二年改今額

妙行院

在縣西南三十里潛川鄉舊名西柳乾寧三年建

治平二年改今額

寂樂院

在縣西十五里波亭鄉舊名大同長興二年建

治平二年改今額

禪定院

在縣北二十里嘉德鄉舊名禪林乾寧元年建

治平二年改今額

白雲僧庵

在縣治後東山後燬於火惟鐘樓獨存 開禧三

年令王日益重建

修真道堂

在縣西慶雲坊

富陽縣

永寧院

在縣西舊名榮國寺大同三年建 大中祥符元

年改今額為邑最大刹建散祝 聖道場於此
嘉定五年令程秘葺新之

淨明寺

在縣北五里舊普照寺天福五年重建 治平二

年改今額寺枕高山名曰舒壁山坳有龍潭澗水

橫流上有橋亭有

御書閣 宣和間燬 嘉定十三年重建山門法

堂廊廡

題詠 李翰林白詩天台國清寺天下為四絕今到

普照遊到來復何別枿木白雲飛高僧頂殘

雪門前一條水幾回流歲月○徐學士凝詩問人

知寺路松竹暗春山潭黑龍應在巢空鶴未還經

西巖寺

在縣北三十八里白昇村唐乾寧元年建 見西巖

妙智院

在縣西南五十里善政村舊名永安大和元年建

舊號驪峯唐許遠孫立額 柳公權題有碑今不可辨

祥符元年改今額

法相院

在縣東南三十里麗景村舊名報恩院咸通十二

年建 大中祥符元年改今額

淨土院

在縣西二十里靈泉村舊名靈泉院光御舊名三年建

大中祥符元年改今額寺有竹軒遊者多留題

題詠祝少卿詩寺依巖壑已幽深更植脩篁結翠

陰不使俗塵侵几格直將高節映叢林風來

緩奏玲瓏玉日上輕飾鎖碎金跬伏未綠趨勝景

試憑蝴蝶夢追尋○吳興姚愈詩勁節摩雲歲月

深冰霜不改舊時陰靜浮香篆度幽徑冷滴翠光

生茂林明月滿牕橫好墨清風入指接黃金箇中

領取西方意夢落人間何處尋○四明揚慈湖簡

詩此意分明有底深蒲團斜倚滿鋪陰豈容俗子

閑擡眼只許清風得入林我對此君無一事自言

幽爽直千金古人今已成陳迹猶向當年擊處尋

和者甚衆

三學院

咸淳臨安志卷八十四

三

百

在縣西南三十里慶護村舊名平源咸通十四年

建治平二年改今額

題詠李提刑鞞詩二首遠岫朝來更爽孤雲徙倚

水如帶楓落山為屏高深自天險豪邁由地靈行

行古道中下馬坐郵亭鶴棲必仙家鳳儀豈堯庭

神仙事恍惚誰實觀超昇孫氏一時傑父兄俱有

聲將軍垂紫髯阿瞞眼亦青周郎往視師不數李

與程緬懷前哲人耿耿在心

高託宿就蕭寺夢還神更清

真如禪院

在縣東南百二十里大源村山有五峯故舊名五

雲咸通五年建治平二年改今額

萬春院

能仁院
在縣西八十里棲鶴村一名千春唐乾寧元年建

大安院
在縣西南十里太平村舊名雲霄天成元年建

大安院
在縣北十八里白昇村舊名東安清泰三年建
治平二年改今額

淨居院
在縣南四十里舊名淨福天福八年建 治平二

年改今額

真覺院

五五
小丁三

咸淳臨安志卷八十四

十三

有

在縣東開運元年建舊在縣北五十步即丹霞觀基

淨覺院

在縣北舊名淨福 建隆元年建 治平二年改

今額

華蓋仙山院

在縣東北十二里舊名福慶天福二年建有雙閣

松庵

題詠楊慈湖簡題默齋云漸漸踈鐘動幽深一徑

開炎光隔林麓清興繞崔嵬擬作臨流賦應

須情雨催小牕宜掛起且放竹風來○徐自明云

萬當不如一十發却休九乃知多口累寧謹三絨

口寂中泅雷震悟處獅子吼百物自四時六鑿通

九有風松靜度曲山花相與友心遠境更幽光生

室無垢茶鼎蒼蠅鳴香几黃金細澄神天籟息見
性藩籬剖對語彼上人一笑開戶牖自愧逐喧塵
成佛靈運後○韓青老農云舊聞山隱彌天釋幾
欲從談不二門尋到經窓收足座却應賓主兩忘
言○僧法具云道人挂口蒼煙裏萬象無聲忽轉
雷老去不知塵世事東風又上屋頭梅○寂光宗
常云毗耶不默不良父渠識乃翁獅子吼癡兒枯
坐黑山邊閉目藏晴如木偶阿師築屋古仙山一
室盡空諸所有夜坐月明風入松晝暝霧卷鴉藏
柳梅子黃時我獨來且觀挂壁詩千首却憶韶陽
曾言道火
何曾燒着口

淨因院

在縣東二十里春明村舊名雲峯 太平興國二

年建 治平二年改今額

龍景院

在縣東十八里春明村唐大中元年建

惠濟院

在縣東十二里舊名仙泉顯德二年建 治平二

年改今額

資聖院

在縣北十八里安仁村舊名觀音天福七年建

天聖七年改今額

慈雲院

在縣北二十五里崇愛村舊名白龍山法雲院

乾德二年建

長福羅漢院

在縣西北十二里臨湖村 乾德二年建

慶恩院

在縣北十八里臨湖村舊名新恩清泰三年建

大智院

在縣西二十五里祥鳳村舊名智覺 乾德元年

建 治平二年改賜今額有卓錫泉初茂榮禪師

卓錫於是山甘泉迸出遂穿為方池泉即盈溢寺

之西院有樓三間巍然插空氣象甚勝韓彥古名

之曰明月巢

咸海臨安志卷八十四

七十九

有

題詠 韓彥古詩清風去無塵白雲來
無心一笑玉溪上落花流水深

寶林院

在縣西南三十五里儀鳳村舊係雙林院 大中

祥符四年建 治平二年改今額有巖香閣石門

霞仙人迹昌蒲澗

題詠 范石湖題可賦軒詩十里山行雜市聲道傍
無處濯塵纓寶林寺裏逢脩竹方有詩情約

略生

崇善院

在縣南四十里舊名寶善唐長慶三年建

妙巖院

在縣西三十五里慶善村舊名龍門天福二年建
禪寂院

在縣南八十里太源村舊名黃禪廣順元年建
治平二年改今額

真寂院

在縣四十里靈峯村 紹興六年建

普惠院

在縣西南三十五里看潮村舊名廣濟天福二年
建 治平二年改今額 即古法信寺

靈巖院

在縣東南三十里江陰村乾祐元年建 大中祥
符元年改今額

淨土院

漲

在縣西南二十里楊潮村 淳熙間建

瑞相院

在縣北十八里白昇村舊名觀音天福二年建
治平二年改今額

法雲院

在縣西二十五里惠愛村舊名靜安光 御書名 二年建
大中祥符二年改今額

接待延壽院

在縣北一里 紹興五年建八年賜今額

偃松院

在縣西南十里 紹興二年建

大雄院

在縣西南四十里屠山村長慶三年建後因吳越

國相許明捨宅為寺遂即其人為名 治平二年

改今額寺有禪月尊者畫住世十六大阿羅漢

記文 福唐陳剛中撰禪月畫羅漢記略云錢氏奄

有吳越欲南取王審知北取楊行密而方術

遊說之士輻湊其國禪月師來自西先以詩見意

曰一瓶一鉢垂垂老萬水千山得得來館於給事

成淳臨安志卷八十四

郎羅隱之舍隱有識師遲之恨見於詩師復以詩

遺王有一劍霜寒十四州之句王使人謂之曰若

能改作四十州當得相見師喟然曰州亦不可添

詩亦不可改孤雲野鶴何天不可飛遂杖錫徑去

至此山云云世傳禪月初畫羅漢時以三昧定

力觀諸尊者所居處所作為運筆一揮凜凜如生

既成十五身矣獨不得其一乃即身是佛引鑑自

繪遂爾滿足屠山之人謹事之水旱疾疫禱必應

大明院

在縣北四里四峯環繞前如連壁俗呼裏庵 即東坡所

謂東西二庵是也 舊名普明 乾德三年建 治平二年

改今額 嘉熙二年改賜絜孝大明禪寺額充李

文清丞相香火院

題詠東坡自普照遊二庵詩長松吟風晚雨細東
庵半掩西庵閉山行盡日不逢人裊裊野梅
香入袂居僧怪我戀清景自恨山深出無計我雖
愛山亦自笑幽獨神傷復難繼不如西湖飲美酒
紅杏碧桃香覆髻作詩寄謝
採薇翁本不避人那避世

靈巖寶山院

在縣西南三十里一名湖南山高八十丈乃鹿山

神龍迎致靈悟大師曇超講經行雨之地詳見靈巖山

嘉定四年有旨賜曇超師號而龍祠以仁惠廟

為額先是僧道琳為屋三楹至是令程秘佐其費

以荆佛廬景定元年移請今額

洪氏浴室院

丁巳年

咸淳臨安志卷八十四

十八

折

在縣初建炎庚戌洪忠宣公皓持節使虜其長

子文惠公适年十三思奉甘旨越六年當紹興

乙卯遂建此院于富春以寓拳拳之思後七十年

曾孫侃來永富春乃識其事有進月堂

題詠楊慈湖簡進月堂詩我有一輪月不圓又不

莫之問絕將此以為燭難作進退說○徐提舉安

國詩云斗橫宴坐一蒲團丈室寥寥夢境寒夜炷

波涵煙易冷秋簷冰浸露先溥潭中寂境心灰見

永壽院

在縣長壽村乾道間建

咸淳臨安志卷之八十五



寺觀十一

寺院

新城縣

華藏禪院

在縣西二里 天聖十年賜額

興教禪院

在縣南三十里地名夏妃舊為興福院長興二年

建 治平二年改今額

多福禪院

六十六

咸淳臨安志卷八十五

一

唐居泉

在縣西七十里地名青牛嶺舊為寶福院同光三

年建 治平二年改今額

昌國院

在華藏院之側舊為福安院乾祐五年建 大中

祥符元年改今額為 聖節祝壽道場寺有烏伊

軒

題詠 許廣淵題詩軒開環列萬峯青門對烏伊遂

煙晨起迷雲色松韻時來雜梵聲峻
極祗宜長閉戶柰何持鉢入東城

多福院

在縣治東舊為涿新院景福二年建 治平二年

改今額為 國忌薦嚴道場寺有杜公井

唐大順間淮南

揚氏遣兵圍城城內乏水兵民穿井及石深百尺餘不得泉杜公稜至誠請之泉立至以此城得不

陷遂目為杜公井云

題詠

邑令許仲蔚詩云德地見圖謀神機發杜稜寇圍炎甚火壺渴冽於水古邑桑田換雲源

鑑面澄如今風月夕煮茗詫山僧

護國院

在縣治東北舊為羅漢院

開寶二年建

大中

祥符元年改今額為延壽道場

延壽院

在縣西一里舊為興福保壽院廣順三年建 治

大中

咸淳臨安志卷八十五

二

唐

平二年改今額

廣福院

在昌國院之側舊為水陸院乾化二年建 大中

祥符元年改今額有僧閣

題詠

許廣淵題詩溪光山色照天晴開豁襟懷遠眼明每日風清生竹韻有時雨過沸灘聲夷

猶水上漁舟逸奮迅簷前燕翼輕亦重老僧無箇事坐觀群動競經營

興善寺

在縣西三里舊為龍華寺上元二年建 大中祥

符元年改今額有觀音像水旱禱必應有碧玉軒

軒前有木犀絕圓正可愛

題詠 江東羅願題木犀云老照軒前翠已空却驚
嘉鞠巧玲瓏幽芬自出禪枝外圓相長標法
窟中一過客莫辭三宿戀道人已費十年
工要須共結團欒坐賞盡清秋面面風

寧國院

在縣南七里青巒山晉郭文舉嘗隱於此邑人祠

之古有禱必應又相與建佛宇於祠之旁隆安五年

賜額曰碧流咸通中重建門枕小池吳越王更為

碧沼 大中祥符元年改今額有白蓮堂妙樂堂

定軒碧沼軒

題詠 方干詩深僻孤高無四隣白雲明月自相親
谿回鶴唳林通村徑見樵人此時唯有雷居士不
厭監輿來去頻○牛仙客詩步步穿蘿入徑幽栢

六十三

咸淳臨安志卷八十五

三

曆

高松老幾人遊花開花落非僧事自有清風對碧
流○潘閔詩五峯高插雲居勝覽景留題趣味長

碧上翻葉陰山骨潤白蓮花馥水池香鶴尋巢徑松
千蓋僧卧溪流石一床閑裏不知西月落馬蹄歸

去帶斜陽○杜荀鶴題碧沼詩山半一山寺野人
秋日登就中偏愛石獨上最高層有果猿搖鞠無

齋鑄伴僧儒門日多事到此復何能○裴極詩一
沼光涵四座寒夕陽回首更凭欄憑師早把香蓮

種他日期來結社看○杜稜詩石骨生泉冷流來
澗沼湄幽禽鳴竹砌遊客步階陞滃鬱杉松碧陰

稠烟靄緇古風吟不足嗟恨老蒼髮○許廣淵詩
寺結千峯上門通一徑幽靜心無物亂清耳有泉

流樓閣先知曉園林預覺秋因君題秀句却省昔
年遊○邑令徐評詩岑寂千山曲縈紆一逕微樓

臺青嶂合窻戶亂雲飛野色侵僧衲池
光射客衣偶來修吏隱到此益忘機

寶勝院

在縣西七里舊為漁池院天寶十載建相傳為唐

人放生之所內有洞下通桐江葛仙翁煉丹於此
池寺即其所棲之山也 大中祥符元年賜今額

有葛仙翁煉丹井放生池

題詠許廣淵題煉丹井云葛公高隱處鑿井碧山
前煉就長生藥空餘白乳泉鼎藏今古水氣

吐舊成煙古常老有古題後為鼎藏於井中其午夜風
雷作人疑羽珮鞦○題放生池云天寶當年寺魚

池此日存溪移古岸脚殿壓舊山根月照霜鐘遠
風開霧閣昏網羅雖廢禁和氣滿乾坤○人今許仲

蔚云唐家舊佛祠樓閣影參差魚散不知處水流
無斷時山光朝暮變人事古今移惟有好生德恩

波尚
滿池

壽聖院

在縣南三里舊為賢名院 皇祐三年建 治平

咸淳臨安志卷八十五

四

廟

二年改今額

惠濟院

在縣南八里舊為靈泉院乾化五年建 治平二

年改今額

慶恩院

在縣南十五里舊為報恩院 建隆元年建 治

平二年改今額

總持院

在縣北十里地名貝山舊為永慶院乾祐元年建

治平二年改今額

法惠院

在縣北二十五里舊為太平院乾祐二年建 大

中祥符元年改今額

淨名院

在縣北二十五里舊為白雲庵開運三年建 治

平二年改今額

題詠

許廣淵題杖錫窮危頂茅庵
巖出鐘磬別山聞海月曉同色
爐煙畫雜薰
莫教深靜處
思慮落塵氛

資聖院

在縣西北十五里舊為寶安院開運四年建 大

大正

咸洋臨安志卷八十五

五

序

中祥符二年改今額寺有停雲軒

勝因院

在縣西二十里舊為棲心庵 大觀間邑人徐贊

建 政和四年賜今額

安隱院

在縣西三十里舊為龍門院乾祐元年建 大中

祥符元年改今額

淨嚴院

在縣西南三十五里舊為隱居院大同元年建

治平二年改今額

寶乘寺

在縣西十八里舊為靈遠寺上元二年建初梓州刺史羅石朔掘地得銅鑄佛像二并鐘載之以歸一旦失鐘與像所在而新城人獲之于野因建寺焉新登鄉有佛嶺事由此會昌間廢大中十三年復建為聖像寺吳越王迎其像入城 大中祥符元年改今額有妙香堂深靜堂鑑軒綠竹軒分秀軒寺後有蛻龍洞濯龍池噓雲亭刺史白居易贈休糧開士巨川上人詩

題詠

白樂天贈休糧巨川上人詩三十餘年坐對山只將無事化人間齋時往往聞鐘笑一食

大正八

威溥臨案志卷八十五

六

唐

何如不食閑。參寥子留題。茲山嵯峨冠天下。一徑縈雲行。兩舍所窮絕。頂見招提碧閣丹樓屹。如畫門前池水瀦。蛻龍座上風雷驚。晝夜峨眉五臺誇壯觀。品目真真此為亞。偉哉南禪非古人。開荒闢翳初推輪。寥寥相望三百載。廢興一難具。陳丹丘大夫來。故舞氣象煥發重。增新授金輪。曠走南北法。兩徧被。無涯津虛堂。選勝得佳趣。隆簷危棟成。逡巡窻外洞。達舒兩目異。景錯出羅綦。綦朝雲夜月常。萬頃寒光炯。炯如鏡。示來客。庶使方寸似湛若玉兔。垂秋旻。榜名圓鏡。示來客庶使方寸無纖磷。

三學院

在縣北十五里郭文舉舍宅為之舊名靈輝大同

二年建改為靈耀 治平二年賜今額有仰高堂

題詠

晁無咎詩步月尋溪過佛齋溪邊石蘚濕芒鞋虛窻獨卧聽松竹半夜一山風雨來。邑

令王投詩精籃本是真人宅豐璋今名釋子山綠
禪不妨丹鶴下白雲長伴野僧閑扶風木任秋蟬
陰積雨庭多石蘚斑儒客坐來除俗態暮終飛出
望歸還○祖世英詩洞庭西門天下奇煙巒百轉
擊青瓏金堂玉室白雲鎖中有仙客閑榻遲此
晉方晴秀骨郭文舉孤劍青鞋出巖戶榻來此地
訪禪翁共掃松花談太古拏龍忽駕升天行西歸
隻履埋巖坳聲不淺堂宇橫陳迎翠巘悠悠松
道師懷古興不淺堂宇橫陳迎翠巘悠悠松
何人水帶雲衣猶在眼涼颼五月吹浮埃蕉旗竹
簞搖空塔我來箕踞發長笑月光飛射雲樓開寸
心浩蕩逸天外欲去復往聊徘徊永懷西山五色
藥服之羽化登蓬萊

慈照院

在縣西五十一里舊為昕慈院大同元年建 治

平二年改今額有石壁扁曰雲洲

記文

鄭丞相清之作石壁雲洲記口韓潮州生平

哇徑蘇端明文章風局軒豁宇宙至錢塘逢辯才
師意所領會如印印泥二公龍騫鳳翥未易迫近
乃獨於邂逅之暫棄其所挾待釋子以莫逆交則
知五經之外六合之表別自有入也余夏杪來自
成均寓龍丘萬君舉之室一日逋暑相與尋並山
佛廬遂至所謂慈照寺者有厖眉老衲肅客入西
至石壁下文室中脩簷蔽日曲池橫前風蒲水漪
意態蕭爽小定毛髮灑淅如窮秋露曉坐水邊籬
落間執熱快濯未暇別語余與君舉拈胡床熟寢
既而黑雲壓浮屠上雨四面至師笑曰寒暑一變
可起矣余竦然異之試扣其意橫貫直驚援引旁
午纏纏可聽少焉雨霽月影移數弓暮鐘東西起
對語未倦俗累暑氛洒然俱失余始知有世外味
為之留再宿而歸師臨分戲余曰來暑去涼何以
報我余周視其身如焦穀石女無一可以答師之
意者請以子墨客卿助作佛事因取退之家彼吳
洲雲之句扁其室曰雲洲而紀其顛末韓蘇方神
遊八極安知不間至人間乎苟見余文以為非是

咸淳臨安志卷八十五 七 唐

則大笑顛辯才可并按也亦以發千載

題詠 鄭丞相贈雲洲老師詩嘉定丙子斗插申秋

扶桑濱炎官流汗走躑躅金烏啄火焚空旻濕雲

誰挽天河洗蒸鬱友人萬君家龍丘追涼共作招

澄鎖寒綠氣象凄切涵清秋凜然便覺肌骨爽恍

疑石罅蟠蛟虬老師宴坐圓覺場一笑對客雙胡

床雀芽新試蟹眼湯未到舌本先生涼翰河倒流

揮玉塵果然驚出蛟龍舞須臾霧裹浮屠尖地墨

雲昏作風雨叻端造化轉寒燠約束商羊上天去

前報清夢安排幾番到池角土花生碧草逗曉蒼

大元一 咸淳臨安志卷八十五 八 泉

普薰院

在縣西五十里舊為香積院同光二年建 治平

二年改今額

普向院

在縣西五十里舊為廻源院正明四年建 治平

二年改今額寺有多寶佛塔

記文 知貴池縣周燾撰多寶佛塔記道潛書記曰

二昧稍長為僧鍊其智不得發 元祐二年春三

月始造木塔於院之西偏而成於四年冬十月既

成龍井辯才法師為全書法華經龍女偈置塔之

中而塔以閣覆之塔之終始悉出於言手而工無

與焉蓋言之初嘗謂院之有浮屠猶人之眉目不

能一日去之而南新地小院且無塔欲為之而未

夫一耳目口鼻之妙能使百千萬億具足成就發

揚之巧者未嘗異也佛以地湧而吾以手化以為

非幻則兩俱不實以爲幻出則本出非幻乃相地
擇木而經營之運斤風御迎刃中繩袖手睥睨四
旁無人而人不能測其意於是捨其樸而與人游
焉起居周御雍容有餘而未嘗以語曉人故雖其
徒有不知者閱兩歲有羸月而塔出矣其崇三十
有四赤爲層七趾廣六赤重薨累瓦拏檻抵梧錯
出交映蹲獸寶網飛仙搖鐸出入上下如動如響
中爲佛菩薩如其教意其下爲海須彌山魚龍神
鬼出於海中皆塗以金彩眩奪人目然後觀者知
言之塔磅礪於胷中也久矣平居休佚調伏悅樂
則發而出之爲佛菩薩悲愍之相勇猛不退剛決
難制則爲鬼神威武之變涕唾濡濕住不動之地
欣榮慕樂之意見於葩華飛搖之間心筭交錯會
於起伏盤糾之勢高廣大小光祥開闔一應於言
之頻伸欠呿之中而人不知也後之至者歛戶而
入形不自名而人能名之千變萬狀安徐決驟恍
惚如神而適與意會佛菩薩鬼神一出而所謂言
則亦不能自得也嗚呼亦庶幾佛之所謂善巧者
歟非耶言與塔予皆未嘗接而參寥師爲予道之
其本末如此且求予記云元祐八年二月一日

咸淳臨安志卷八十五

九

啓

資聖院

在縣西北三十五里舊爲大安院清泰元年建

天聖七年改今額

寶林院

在縣西四十里舊爲上林院中和間建 治平二

年改今額

瑞相院

在縣西七十里舊爲靈瑞院同光二年建 治平

二年改今額

正覺院

在縣西六十里舊為龍門院 建隆元年建 治

平二年改今額

明寂院

在縣西七十里舊為靈巖院 乾德四年建 治

平二年改今額

集福院

在縣西五十里舊為福春院廣順二年建 治平

二年改今額

普照院

在縣東北十五里舊為普光院天福七年建 治

咸淳臨安志卷八十五

十一

唐

平二年改今額

題詠 許廣淵留題云亂峯環合處中見古精廬萬

清虛自辨一泉後多來長者車○邑令李湫云青

山遶屋藍光重流水衝階碧蘚滋獨坐午窓誰晤

崇恩報福院

在縣南二十里 紹興五年改今院

妙慈院 以下係尼寺

在護國院之北舊為北禪院大中三年建 治平

二年改今額

梵巖院

在縣西六十五里舊為建興院天成三年建 治
平二年改今額

寶相院

在縣西七十五里舊為石佛院天成五年建 治
平二年改今額

持戒院

在縣西六十里舊為淨名院 建隆三年建 治
平二年改今額

清修院

在縣西四十里舊為淨安院天福八年建 治平

州志

咸淳臨安志卷八十五

十一

塔

二年改今額

法門寺

在縣南十五里望仙村舊名淨土咸通十一年建

元係空惠尼寺在花浦
因水泛坍江遂移今地

祥符元年改今額

通靈塔

在縣北二里祥禽鄉地名官塘口塔後即靈休靈
佑廟

多寶塔

在縣西六十里南新鄉地名回源即普向院也亦
名金塔

鹽官縣

安國禪寺

在縣西北二百五十步唐開元元年建名鎮國海

昌會昌五年廢大中四年復置名齊豐 祥符元

年改今額 熙寧七年僧居則建大悲閣蘇文忠

公題梁明年為之記藏殿後有唐會昌石經幢二

寺門東有咸通石幢一在殿下者二無歲月字畫

類唐人悟空禪師塔前有古檜 宣和間朱勔移

以去

記文

東坡作大悲閣記羊豕以為羞五味以為和
糝稻以為酒麴蘖以作之天下之所同也其

咸淳臨安志卷八十五

十二

唐

材同其水火之齊均其寒煖燥濕之候一也而二
人為之則美惡不齊豈其所以美者不可數取
歟然古之為方者未嘗遺數也者即數以得妙
不能者循數以得其略其出一也者不能而精粗
見焉人見其二也則求精於數外而棄迹以逐妙
曰我知酒食之所所以美也而略其分齊舍其度數
以為不在是也而一以意造則其不為人之所嘔
棄者寡矣今吾學者之病亦然天文地理音樂律
歷宮廟服器冠昏喪紀之法春秋之所去取禮之
所可刑之所禁歷代之所以廢興與其人之賢不
肖此學者之所宜盡力也曰是皆不足學學其不
可傳於書而載於口者夏曰日知其所亡月無
忘其所能可以謂好學也已古之學者其所亡與
所能皆可以一二數而日月見也如今世之學其
所亡者果何物而所能者果何事邪孔子曰吾嘗
終日不食終夜不寢以思無益不如學也由是觀
之廢學而徒思者孔子之所禁而今世之所上也
豈惟吾學者至於為佛者亦然齋戒持律講誦其
書而崇飾塔廟此佛之所以日夜教人者而其
徒或者以為齋戒持律不如無心講誦其書不如

無言崇飾塔廟不如無為則飽食游嬉而已矣是為大以欺佛者也杭州鹽官安國寺僧居則自九歲出家十年而得惡疾且死自誓於佛願持律終身且造一手千眼觀世音像而誦其名千萬聲病已而力不給則縮衣節口三十餘年銖積寸累以迄于成其高九仞為大笙四重以居之而求文以為記余嘗以斯語告東南之士矣蓋僅有從者獨喜則之勤苦從事於有為篤志守節老而不衰異夫為大以欺佛者故為記之且以風吾黨之士云

題詠 東坡悟空禪師塔已將出世界等微塵空裏浮

人自注云宣宗微時師知其非凡人更恭庭雪到

雙檜當年雙檜是雙童相對無言老更恭庭雪到

腰埋不死如今化作兩蒼龍又題僧爽白雞斷尾雄雞本畏烹年來聽法伴修行還應却置蓮花

漏老怯風霜恐不鳴又題云古邑居民半海濤師來基築便能高千金用盡身無事坐看香煙繞

慶善寺

在縣西南二百步天監七年士人弘靈度因井中

有光三日不止舍宅為寺地濱海遂以觀海為名

會昌五年廢 大中祥符元年改今額有千佛閣

門外有唐大中間石經幢有竇思永撰銅僧伽像

記葛繁撰天台教院記不載

題詠 王兢題圓照堂詩佛心開晦暝覺性極融明

月華清不必曹溪去穿雲振錫行

延恩院

在縣西北舊係安國寺藏院 建炎四年移額重

建

題詠

蘇才翁留題云畫堂三月初三日絮撲紗窗
燕拂簷蓮子數杯嘗冷酒拓枝一曲試春衫
階臨池面勝看鏡屋映花叢當下簾
誰倚南樓指新月玉鈎素手兩纖纖

普信院

在縣北二里 建炎三年移額建常接待遊僧故

邑人止以接待名之

常樂寺

在縣南一里大同二年建舊名永興 治平二年

改今額

惠明院

咸淳臨安志卷八十五

十四

塔

在縣西 隆興元年移額建

薦福寺

在縣西三十六里永明二年建舊名安善會昌五

年廢大中十三年重建 祥符元年改今額寺有

第一代尚禪師塔

記文

張無垢九成作尚禪師塔記聖王之道有非
文字所能書言語所能傳者是故未有六經

而堯舜為聖帝禹稷臯夔為賢臣學不到文字言
語外而守章句泥訓詁欲以用天下國家猶趨燕

南征適越北鄉雖膏車秣馬風餐雨宿徒自苦耳
於聖王之道漠如也孔子指二三子以無行而不

與之說孟子指齊宣以是心足以王之說此豈可
文字語言中求哉豈惟吾儒釋氏與其徒說法凡

四十九年其為書五千四百八卷不為不多矣而
臨絕之際乃拈華注目傳正法眼藏于迦葉彼前

日科分派別皆為無用然文字言語不可欺世而
 迦葉之傳易以罔人惟天資高明不肯自昧者乃
 可以真得未後之學惟尚禪師姓曹氏臨安鹽官
 人也其上也後之仕宦者而世緒不詳少苦腹疾百
 藥不治父母憐之乃祈佛出家七歲禮慶善寺元
 辯為師又十年披髮即徧歷叢林求文字言語外
 法首參淨慈本本可之不留再參明祖圓圓如本
 也又不留三參佛光正正如圓又不留四參梁山
 會會如正也又不留四參識超絕門庭穿穴縱橫
 微眇老禪宿德有不能屈者印證許可前後相繼
 而師心不自欺故未幾而舍去謁尊宿凡五六
 人最後參普照英得法於法雲秀而見保寧勇秀
 得法於天衣懷而見浮山遠秀雖與本會同雲門
 派同天衣而機鋒穎脫獨出乎諸人之上英似其
 師秀故用處迥與諸方異師操平昔所得入英之
 室如圓柶方鑿一皆不契然師意愜焉謂當如是
 一日舉南泉斬猫語問英師曾中話端凡數條以
 謂不出是矣英乃曰須是南泉超然出師意外師
 進止所獲退失故步茫昧儻恍不知所鄉心憤口
 慍慮蘄色作神情逼迫未及雲堂豁然冰斷盡見
 古今機用迺知異時所有皆在私心浮慮中因喟
 然歎曰今日方平生事畢不負初心矣再入見英
 方舉手師用見大愚機以築之自比高視四海藐
 焉無人聞黃龍新坐斷江西無敢嬰其鋒者師乃
 自荆南杖錫而往又用子胡斫碑之機以見之既
 乃退歸故鄉宴坐墓廬香餅水與世相絕然師
 名橫厲天淵韞晦莫遂邑大夫郡太守迎請住壽
 聖院院本雪峯結菴故地灌莽榛棘之所都狐狸
 蛇虺之所宅師住八年勇者出力富者出財殿宇
 巍莪堂廡明潔一變為化人之居厥功大矣師眠
 如涕唾推而不有遂就歸舊隱未幾更薦福為禪
 居郡縣凡三請乃出就未半歲而病復歸舊隱
 未數日跌坐而逝享年六十有七實紹興庚申
 七月三日也壽聖不忘師德迎葬下院之西偏師
 機鋒峻密作用孤高如雲峯悅如法昌遇學者莫
 測其端雖度弟子十有六人四方來者前後凡數
 百輩然其道無傳焉至於戒行精潔節槩剛嚴使
 人見之凜然如入宗廟中自幼至老如一日也門
 弟子了觀以師與余善狀行業來謁銘余不得辭
 也乃為之銘銘曰道在方寸文字莫宣可以神會

難用語傳偉哉禪師識超幾先挽而莫留歟然逝
川橫翔意外高視大千節如霜
誰繼焉往矣其

普安寺

在縣西四十里大同元年建 治平二年改今額

吉祥寺

在縣西北四十八里舊名齊明 建隆二年重修
改名迎祥 治平二年改今額

覺王寺

在縣西北二十五里長興四年建舊名正覺六年

重修即吳越王私號寶正六年 治平二年改今額寺後有三

咸淳臨安志卷八十五

十六

占

女堆

淨信院

在縣西南六十里天福二年置

開福寺

在縣西三十五里咸通元年建舊名文殊 大中

祥符元年改今額

圓明院

在縣西南五十里元和七年建舊名永城 大中

祥符元年改今額

永隆廣福禪院

在縣西二十里 紹興十八年建

定香院

在縣西北二十五里開寶元年建名茶毗菴 治

平二年改今額

東堰廣福禪院

在縣西南五十里乾德元年建 紹興三十二年

改今額

資聖院

在縣西北四十里天福七年建舊名資真壽 治平

二年改今額

淨居院

在縣西三里 隆興二年移額建有童兒塔

記文

張無垢九成重建童兒塔記壽聖禪師惟尚

於黃龍新公既謝事乃歸老童兒塔之西環堵蕭

然而聲震四海其叩門求法者蓋肩相摩而袂相

于茂林脩竹之間一日子指塔而問其故師出邑

人章瑋石刻且曰舊塔廢為道士居者凡二十年

矣紹興丁巳主塔僧仲淵之孫德謨痛數百年

勝槩一旦為強有力所奪影滅迹絕了不可尋問

乃州衣木食錙儲黍積卜地其東象甃架屋於莽

勞嗣續之功似可記也公其有意乎子笑而不答

禹湯文武周孔之道具在人心覺則為聖賢惑則為愚不肖聖人懼其惑也乃著之六經使以義理求乃銘之九鼎使以法象求籛籛姐豆火龍黼黻以發之鐘鼓莞磬琴瑟笙簧以警之清朝明堂靈臺辟雖以形之使人目受耳聽心竦意明恍然霧披豁然冰泮乃知千聖雖往此心元不去萬變雖經此心自有餘不然吾聖人豈虛為此紛紛哉子之辛苦經營儻有在於斯乎否則吾不知也謝而退乃書以遺之使刻諸石

金佛院

在縣西一十二里舊名上乘 乾道二年改今額

報國寺

在縣西北四十八里 嘉泰元年建

雲龍寺

在縣西北一十五里 慶元二年建

旌忠禪院

在縣西北二十五里 嘉泰二年建

定善院

在縣西南三十里 紹興十二年建

戒壇院

在縣西南三里 淳熙九年建

崇福寺

在縣六十里乾元元年建舊名靈池會昌五年廢
大中元年重建 祥符元年改今額

惠力寺

在縣東北六十里紫微山下晉朝建舊名志愿

大中祥符二年改今額

東山廣福院

在縣東北六十里 熙寧元年賜今額有葛僊翁

井

題詠

楊柳名詩題詩云艤棹青山下來尋薊子家
人魚皆靜樂水木亦清華松老欲成蓋菊寒
殊未花何須覓勺
漏此自有丹砂

西山廣福院

在縣東北六十里峽石 熙寧元年賜今額

水滸卷之七

咸寧縣志卷之十五

十九

秦

題詠

楊柳名詩云野寺孤峯上危樓聳翠微捲簾
滄海近洗鉢白雲飛竹影臨經案松花點衲
衣日斜登望處湖畔一僧歸 又地勢連滄海山
名號紫微景開僧坐久路僻客來稀峽影青相照
河流石自圍塵喧都不到安得此忘歸○朱伯虎
題鑿石開山已幾年半天臺殿聳危巒曉鐘聲向
雲邊落夜月光從檻底看野色難藏千里秀松風
長占一軒寒老僧此處真棲隱應笑塵勞效小官

崇教寺

在縣東六十里舊名妙果長興二年建

四果禪院

在縣東北七十里咸通元年置舊名羅漢 大中

祥符元年改今額

真如禪院

在縣東七十里黃灣本晉于寶宅周顯德二年置
舊名菩提院 治平二年賜今額有般若臺張無
垢九成同宰刀文叔來游遂以名臺上有郭熙畫

山水又有靈泉井

詳見
本山

題詠

張無垢九成詩高僧超物外有戶畫常高海
閣知天大泉甘識地靈一簾春月靜半點越

山青便作歸歟計移文休勒銘○黃伯劑和寺古
僧應少地偏心自高憑高通楚望懷遠眇胥靈深

○蟄虬藏翠斜飛鷺界青休文今已去佛像寄誰銘
張謬題般若臺旗鼓初從海上回天風吹我上

雄臺甲披雙木關西將結前木藤蔓蟠馬驟羣峯
驥北材塵世俯窺飛鳥去軍聲俄逐晚潮來誰能

為我書巖石他日重游掃綠苔○董將題怪石茲
山翠成堆峭骨乃如許化工妙融結石罅走青乳

當年女媧氏煉此不及補岳岳至于今文室枕其
股我來手摩挲松陰日亭午初疑道士羊亦類將

太平縣志卷八十五

二十

蔡

軍虎坐父飢腸
鳴試作先生煮

興福寺

在縣東北三十里 開寶二年重建 熙寧元年

賜今額

太平廣禪院

在縣東五十里 乾德二年建名太平菴 熙寧

元年改今額

東菴廣福禪院

在縣東南五里雪峯禪師結廬于此人見夜光巨

天因名光明菴後稍增屋號光明禪院 熙寧元

年賜名壽聖 紹興三十二年改今額雪峯手鑿

一井甚甘冽大旱不竭井中時聞風濤聲

題詠 施彦執詩何處登臨眼最明雪峯佳處一川平潮隨海月生時上峯在雲天靜處橫幢蓋

神扶喬木影風雷井閉古泉聲靈蹤鑿盡翻惆悵何日彌一山報風道成○許寺丞應龍詩十年不到

雪峯山寂寂春風晝掩關千載祖師無盡意門前流水綠回環

寶嚴院

在縣東六十里 紹興元年建

延聖院

在縣東北六十里 紹興元年建

勝果院

大五五十二

咸淳臨安志卷八十五

十一

在縣東北六十里 紹興三十二年建

正法院

在縣東北一十五里 乾道二年移額建

淨信寺

在縣東北一十八里 乾道二年建

靈龜寺

在縣東北六十里峽石今廢僅存一池猶名靈龜

題詠 顧況詩家在雙峯蘭若邊數聲清磬發孤煙山連極浦鳥飛盡月上青林人未眠

靈寺

在硤石市 開寶六年重建

淨明院

在縣東北二十步紹泰二年建舊名法明後改為

淨信尼院 治平二年改今名 慶元四年移額

復為僧院

南禪福嚴尼院

以下尼院

在縣東南 建元四年尼僧猛舍宅為寺舊名齊

明乾祐中改為護國報恩禪院 大中祥符元年

改今額

葆真庵

舊在縣西南三里乃馬自然得道之所邑人乞立

小一

咸淳臨安縣志卷八十五

二十二

宮觀 宣和二年賜葆真庵額 紹興二十三年

令劉偉移於縣東二里與嶽廟並

昌化縣

治平寺

在縣西一里舊名忻平大中二年建開平三年改

為治平寺 熙寧間蘇文忠公自雙溪館步尋溪

源至寺有詩

題詠

東坡詩亂山滴翠衣裘重雙澗響空窓戶搖

令知游寺尚喜漁人爭渡橋正似醴泉山下路桑

枝刺眼麥齊腰每見田園輒自招倦飛不擬控

扶搖共疑楊惲非鋤豆誰信劉章解立苗老去尚

食彭澤米夢歸時到錦江橋官遊莫作無家客舉

族長謫似細腰

千頃山龍興寺

在縣西北六十里元和間黃蘗禪師開山中和四年賜慈雲禪師額天聖元年祥符寺僧惠新移創於山巔勝絕之境八年賜今額歲度僧五人

題詠

吳玠詩松檜陰中六月清異花靈草不知名路從瓊液山前過人在水晶宮上行千尺翠

嵐分月色一軒參籟動潮聲登臨不厭躋攀峻貪看雲從足下生

慧照院

在縣西八十里大中三年建初鹽官悟空禪師開

山在大明山上前有鷄子峯崑崙巖神鸞峯白蛇

咸淳臨安志卷八十五

二十一

蔡

巖後有瀑布泉經兵火徙山下十里即今院是也

治平二年改今額

鸞峯院

在縣西五十三里邑人俱胝道者居之號性空大師大曆二年捨宅為寺賜名龍山治平二年改

今額院東揖白潭山相傳性空大師曾留大石鐘

閣于山半扣之則鳴音合律口後溪漲失鐘所在

題詠

林孝雍詩憶昔俱胝舍嵐光翠激侵金週沙界斷紫碧洞天深有匪瞻淇奧忘機學漢陰

篆篆下古意 珽豈遺音

法興院

在縣西四十里天福三年建吳越王名為吳興院
治平二年改今額

梵安院

在縣南二十五里天福七年建院後有巨石如筍

號石筍山

題詠

吳珩詩山腰小徑細於繩山鳥關關喜弄晴黃菊有情留客醉白雲無事伴人行野流合

澄寂院

在縣南二十八里舊名石室 開寶三年建後有

槃陀石其大如屋容二十人名不疑庵庵後有虎

大正六年 月六日

咸淳臨安志卷八十五

二十四

素

威巖 治平二年改今額

題詠

詹覺不疑庵詩巨石勢欲壓僧居長宴然應餘汝媧鍊不受祖龍鞭促膝無餘地蒙頭莫

普向院

在縣南五十里舊名回向廣順六年吳越王建院

後有佛跡山始獵者見神人雙跡於雪中因名佛

跡 治平二年改今額

題詠

鄭君平詩地勝開金剎公餘一訪尋泉傾洗石面雲出翠臺心谷鳥趨禪座山神聽梵音

法會院

清風行號令不許有塵侵

在縣南三十里舊名龍平乾化五年建有水陸池

池中有會聖亭 治平二年賜今額

題詠 具八珩詩地占金山勝泉分銀漢流杉篁能護

猿鶴似驚秋祇恨登臨晚寧辨取次游列

龍井廣福院

在縣西北二十里上元二年建山有龍湫石壁峭

立飛泉吐薄前有石壇為禱祭所 紹興三十二

年賜今額

百丈廣福院

在縣西二十里舊名寶勝 開寶七年建 熙寧

感寧臨安志卷八十五

二十五

唐

元年改壽聖院 紹興三十二年改今額

淨嚴院 以下係一寺

在縣西四里舊名永安 治平二年改今額

明因院

在縣東二十里舊名泥郎院 建隆元年建 治

平二年改今額

福全院

在縣東北五里天福二年建錢氏立院額

清修院

在縣南四里舊名招賢天福二年建 治平二年

改今額

咸淳臨安志卷之八十五

咸淳臨安志卷八十五

二十六

